

華

嶽

全

集

華嶽全集卷之二

欽命鎮寧潼關兼攝河南山陝等處地方軍民事務為巫山伯馬虫耀
欽命鎮寧潼關等處地方提督軍務兼理學政防禦使劉蘇
華陰縣縣令曹士掄編輯
華陰縣學正王名立較正

峯麓名勝紀

天中張維新曰雄哉蓮嶽壁立削成直挿天外昔人之
述備矣乃芙蓉明星玉女而下疊嶂層巒霞標瀑布突
然訝然呈奇競秀極幽遐瑰詭之狀令人望之神竦探
之不窮曷可缺一表志焉余因搜巖洞諸奇併物產靈

異作峯巖名勝紀此外編摩采撫非余之所暇弄已

蓮花峯

昭文館記稱蓮花峯上有三峯上接三光十有石池二十八所土應二十八宿青松綠竹

叢生高岡白雲翠靄旋於幽阜懷蘊金玉蓄藏風雷為大帝之別宮延神仙之窟宅也又云一上四十里卓立五千仞上有明星玉女之別館金天王之正廟二十八宿池 仰天池

八卦池

太乙池

俱在嶽嶺中蓮花峯上

玉井

在蓮花峯傍中生千華白蓮

太上山

昭文館記稱蓮花峯為太上山四面削成高五千仞迴巖四合三峯崢嶸上廣十里鳥獸

居老君洞

在嶺之東南峯

太上泉

在老君洞次址

菖蒲池

在太上泉之傍細

辛坪

在嶽頂西南隅方圓三四畝盡是細辛

明星玉女祠

在頂之中峯巖背上立祠

堂有玉女石室玉女聖像併玉女石馬

玉女洗頭盆

祠前有石臼五枚臼中俱有水號曰

王女洗頭盆其水碧綠澄澈旱不竭雨不溢神霧經云明星玉女持玉漿餌之令人得神玉女牕在雲臺南峯上有石門入丈餘丘上石龜躡在頂窈如牕望見南峯明星玉女之別館也石龜躡在頂女祠在其上其石似龜東西八九步南北二十餘丈兩頭壁立其形如龜前有石躡猶如拆裂開可有五寸其深不可測以物投中食頃猶聞黑龍潭在頂之其下聲即古之簡于嶽府之所也

人間曠旱祈求必雨宋洞玄石室在頂之西北峯上崇寧二年勅封顯潤候其石室東西有二

門初入才容身側入至石室中周迴五六丈東門上接雲霞西門下臨地中有石道君像高三丈戴三景扶辰之冠石水文如九色雜羅之文像多古錢其錢多脚一頭多孔一面有文云大布大家錢蘆花池近嶽西北峯後魏道士冠謙之弃其碁石在嶽頂別一孤峯上總望有石石仙人瀑布石仙洞方如並榻真若碁局

昭陽洞

正陽洞

西玄洞

水簾洞

石仙人在嶽北面半腹中

登真隱訣云嶽洞深三百里中有瑤臺玉室樹則蘇
茅芳林碧泉則石髓金精遙望洞方圓可丈餘烏道
絕通人蹤罕到時出異色雲炁洞口上有丹石間青
石似丹青畫出仙人之狀冠披衣服無不周備高下
大小如人形號曰石仙人上有瀑布飛流直下一千
餘丈其石山洞又稱為水簾洞其嶽有四洞東曰昭
陽西曰西玄南曰肥蛇穴在頂之西北峰上山海經
正陽北曰水簾 肥蛇穴在頂之西北峰上山海經
六足四翼見巨靈掌 石月 巨靈掌在頂之東北峰
則天下大旱 巨靈掌 石月 上石月在掌上道甲開
山圖云巨靈得玄元之道與元氣一時而生混沌之
師九元祖也漢武帝觀仙掌于縣內特立巨靈神祠
馬雲臺峯 在嶽東北其山兩峰崢嶸四面懸絕上冠
景雲下通地肺巖然獨秀有若雲臺下有
穴昔有人入此穴東出方山行
云經黃河底上間流水之聲 松檜峰 朝來峰

三柱峯

玉秀峯

四峯上盡是青松檜栢常有異色雲氣覆之其峯聳萃孤巒人跡

希及太極總山洞

在嶽西北毛女峯之三公山在嶽之西其下有車箱潭

峯巖然森秀上象

醴泉

在古庵直下水微有酒香為國之瑞慶招鳳飲傍有玉女

神祠玉泉

在張超谷口其水色黃龍潭在神谷口初雨如漿因置玉泉院

車箱潭

在仙谷裏十里乃太極總山洞直下宋仁宗明道中每歲遣使換金龍王簡宋徽宗崇寧

二年封豐潤侯按水府記云天下一十八處水府並山車箱潭乃第七水府也與東云南海溫江同皆按

金龍玉簡之處

素靈宮

按太平廣記馬周傳華山有素靈宮迺總天洞府十洲三島神仙之所也

極真洞天

按十大洞天記第一玉屋山小有洞天周迴一萬里杜甫詩云萬里仇池穴潛通小

有天第四華山西玄洞周迴三千里名極真洞天其洞中天地高大日月星辰風雲草木與外無異惟日

停輪雜赫明接太宗乃長春之境宮闕樓臺盡是金玉七寶所成傍生紫林芳花玉髓金津素靈真人頃曰異果奇花不可名尋真何用到蓬瀛碧雲天地洞中列白玉樓臺象外生萬壺芝蘭盤峭拔千峯嵐霧聳崢嶸八公曾此分金總仙洞天按三十六小洞天液服盡全家上太清洞周廻三千里名蓬玄洞天第三西嶽華山洞周廻三百里名總仙洞天素靈真人讚曰墜石為仙號七星五門日月轉玄程雲飛雨散天中去管得林巒生異名

古蹟

御道在仙掌峰北乃昇嶽路也漢武帝唐玄宗曾遊此因名之今兩傍有石臼子乃當時截欄杆用錦綉遮護危險峰頂須由御道跨蒼龍臨雲臺天井下有百尺狀自頂至青柯坪二十里青柯坪出谷口二十里老君煉丹爐在蒼龍嶺之東北峯上老子見周之衰西邁流沙至函谷關關令尹

善占其氣知真人將過果得老子老子亦知其奇為
著書上下篇言道德之事後隱華山頂之東南峯有
老君毛女峯在嶽之西毛女字玉姜秦始皇官人見
國詐流亡遂負琴入山之北峯上隱居

同服松栢葉飲泉水體生綠毛世人見之稱毛女洞至
今洞中有鼓琴之聲道人嘗聞之峰下有白石寺久
廢修羊公石榻在嶽之西北仙谷中石室有石榻修
羊公常卧於上石榻盡穿陷常不食

漢景帝問曰公有何能公不答即化石羊其背有字
云修羊公謝天子後置石羊於通靈臺羊又去不知
之所裴君石室在頂之西北峯上即洞玄石室昔清虛
真人裴君入石室精思至道積二十三

年降五龍在頂上後魏道士寇謙之洞曉渾天
儀尤善玄象曾定天元五紀其筭有
差復成公興真人佯狂而來假為貨客快觸筭筭其
筭乃合謙之悔恨獨居山林遂隨真人去棄其餘筭
筭化為葭荻荻即蘆花池是也
衛叔卿博戲石即碁石漢武帝登嶽
時見一人羽衣鶴冠

乘雲車駕白鹿而從天降武帝驚問為誰答曰山中
衛叔卿也帝曰若是山中人乃朕臣也忽失叔卿所
在帝甚悔恨即遣使梁伯至山中推求叔卿不見但
得其子名慶世帝曰汝父在何處慶世曰臣父少好
仙道委家而去入華山四十餘年矣帝使梁伯度世
求之於華山絕頂上望見其父與數仙博戲石上但
見紫霧鬱鬱又見數童執幢節立其後慶世等望而
百拜叔卿曰前為太上所遣欲誠帝為窮黜事而帝
強梁自責而反欲臣我不足與語是以去耳又誠慶
世曰汝慎不得為漢臣亦不得為帝語也梁伯度世
于是拜張超谷後漢張指字公超結廬此地學者如
辭而反張超谷市又能為五里霧故稱張超霧市每
罇塞驢入市晚即携卧仙坪張超谷內有一石室張
壺荷神帶酒而歸卧仙坪超真人脫骨之所為燕
牧嬉戲於其間有飛石自石羊城仙谷有張超谷之
空來塞其穴今稱卧仙坪石羊城仙谷西迺黃初平
初起弟兄二人得仙之地山谷故名仙谷初平者丹
溪人也年少時家使牧羊久而不歸其兄初起尋覓

四十年後開市中有一道士言人休咎如神初起乃
問之道士曰太華山中有一牧羊兒姓黃名初平是
卿之弟耶初起拜謝即隨道士入此谷中兄弟悲喜
語畢問弟羊今何在初平曰在山東耳初起徃視但
見石而還與初平俱徃視之初平乃叱石曰羊起白
石盡變為羊數萬頭兄初起叩頭曰弟獨得仙吾可
學乎初平曰若有志可得也初起棄妻子拜弟為師
乃俱成列仙叱石覆四面寬廣有似城壘俗稱為石
羊文仙谷洞真君隱居之所真君來此易姓姬更名
谷內結庵四十年人無識者紹興丙子秋前一日謂
門人劉谷之曰張翁驢梁昇玄侍吾久矣因作頌曰
上面一个口下面一个口世間堅的有盛水不交漏
囑付裕之訖怡然卧化裕之即藏遺骸於石室後數
歲先生神現四州塔題詩云姬州墨客羽化三峰又
數載來馮裕之題詩云昔日曾居此埋名四十春紅
塵多少客誰是識余入又詩云余曾十載攻文墨萬
卷詩書鎖胸臆萍雲水寄家緣住在蓮峰人不識

後云回公題裕之尋所廢屍履惟見空棺元豐間題
琴詩云野人本是天臺客石橋南邊有住宅父子從
來尺兩口子好歌詩我好拍又詩云四海遨遊一野
人兩壺霜雪是精神坎離之物會收得龍虎丹行運
水銀其碑見在文仙牛心谷昔楊震隱居此講授
谷今稱為羽谷摩 聖跡雪中觀之惟顯天王披銀甲馳驟白馬之狀
槐稱楊震槐市山巖間多五色鷲鳥山上有雪天王
黃神谷嶽之東真人黃蘆子隱居之所黃楚人也姓
葛名越居此山號兩嶽公治病有千里而未
求者或寄與姓名無不愈禁虎狼不敢動飛禽不敢
飛受術於赤松子年過八十力舉千斤行及奔馬時
大旱召潭中龍催促昇天藏馬谷藏馬龕在嶽東漢
降大雨一朝乘黃龍而去藏馬谷藏馬龕武帝末仙
於華山下造靈集宮存仙蹤望仙門有神馬自華山
出帝令置內棧馬不久留子人尋之見在此山谷中
石龕下故名藏馬谷藏馬龕神上巖在雲臺峰南
東北澗中石上馬跡尚存

有道士焦道廣獨居雲臺峰辟粒餐霞常劍三青鳥

報未然之事周武帝親詣山庭臨軒問道因于谷以

置雲臺觀道廣欲構房廊精思所感仙油碩在雲臺

石上湧出神上用盡復生于今尚然

焦道廣每設齋醮天降油於此後弟子洪仙等見避

道廣乘一物如麟往而不返後此油亦不復見矣

詔岩在華山西南險不可言自古隱迹之上藏真之

詔岩岩之額有希夷手書避詔岩三字迄今

墨跡尚鮮紙猶堅白則仙風道骨一驗也

在雲臺北峰北面可高百尺其深不測穴邊有一

石大小澗狹狀如鑿出乃希夷先生蛻骨之所

雲峰在嶽之東北唐明皇妹金仙宮主脩行之所名

雲峰曰白雲宮八仙洞着嶽棚上竹園下竹園棗樹

栗子林花園藥畦確確見在白羊峰在嶽之西北五

馬白雲宮側有焦真人石洞

室空濛昔有人隱此峰莫知名姓常乘白羊往來塵

世後與弟子介琰俱登仙以此境為白羊仙人有禁

山嶽製虎豹狼熊

符七十道行於世

焦公巖在嶽東南真人姓焦字孝

與坐客其味如芋後遭野火燒其庵隣峰人往視之

見先生危坐火中庵燒盡先生乃徐徐而起衣服并

無焦灼後敷載天忽大雪人覓不見忽於雪中單衾

而卧顏色赫然如盛夏之狀老稚人常有遇之者

白鹿龕

在嶽之東昇嶽路之右乃魯女生置之有飛

年莫知所之後忽有人嶽廟前見女王刁三洞在嶽

生乘白鹿授土女十餘人相別而去

仙人王造字伯遼郵陽人有妻無子治病無不愈亦

不忌祀不用符水針或有邪魅作祟盡地為歡叩石

呼之見狐狸鼉蛇之類皆斬而焚之有竹篋令弟子

錢哥以九節竹杖擔之十餘年未嘗見關或逢羽衣

并不顯夜行見有炬火前導後至此岩洞中見有人

刁自然即開竹篋取出五舌竹簧三枚三人共鼓之

及遙辭去刁自然云卿當早來不可久住塵寰再期

至此洞處後王刁錢哥俱登仙上洞莫能到中洞有

飛石遮于洞門下洞
隱居者皆在其中
碧雲洞
碧雲溪
在嶽之東乃

之翟士瑞鄭隱此四高士隱居之所鄭邀字雲叟南
燕人高節不屈棄妻子聞華山五粒松疑胎十歲能

延年至此洞隱居天成中以拾遺詔不起賜號曰道
逢先生羅隱之臨江軍新塗縣玉笥山玉梁觀道士

末居華山或臨水或登山一觴一詠高情自適天福
中賜號曰希夷先生翟士瑞字秉正齊人也博通九

經祥符中真宗幸汾陰禮詔不起無疾而逝七日肢
體猶溫及火之有聲如雷五色光炳輝鄭隱字明震

究之奉符人左臂有黑鰲子如北斗狀常居王刁三
洞口自冬涉春不出人異之祥符中真宗祀后土還

駐驛驛下詔行在賜號貞晦先生又賜驛山歌云嶽
中逸士本藏名常把琴博適性情盡日臨流看水色

有時隱几聽松聲適遊萬壑成嘉適偶出千峰詭治
平已薄綸華存太素從教兩曜自對盈談希夷究玄

樂爾志趣何深好將吟甯暢冲襟壺公石室在嶽之
西北孤

峰上有石室可容十餘人有泉東北入霧市谷東谷中即後魏道士寇謙之葺塲西谷中即借羊公石榻穿陷之所壺公者莫知姓名常懸空壺於座上日入之後輒跳入壺中費長房從之學今住此石室中有一方石廣丈餘壺公以茅繩繫之懸於空中令長房坐於石下使諸蛇蟲競來噬繩欲斷而長房坐卧自若終無懼公至撫之曰子可敬矣賜子為地上主者令乘竹杖而歸後至葛陂投杖於陂中竹化龍而去後得役鬼

燕公石室

在三公山燕濟字子微漢明帝時人隱居石室服蒼木黃精恒

散髮亦有鍊中惟月朔節乃著之時復一琴一詠常有黃白雲覆其上後辭別交友乘雲而去

石室

在雲臺山側大唐貞觀中有道士杜懷謙居此石室斷穀不食好吹長笛令人多買笛至于室

間一吹之技於巖下笛盡更供息巖中累月不動自號長春先生今石室巖然笛聲不絕

種藥坪

王暉真人常餌蒼水黃精有驅虎豹之術每種黃精即駕虎豹為耕松常乘虎豹具鶴鸞之屬竹杖策之

威儀如人乘駟馬之狀當詠九字詩百餘言人駕鶴
莫解其意後乃昇天不復見名其地為種藥坪

軒 在中方半路乃唐金仙
公主乘鶴昇天之處 上方白雲宮 中方太清

宮 下方雲臺宮 上方中方下方此三宮皆因羽人
焦道廣建唐玄宗天寶中命右補

闕集賢學士術 西嶽真君廟 宋崇寧中改為崇寧萬
包修三方記 壽觀紹興中改為報恩

廣孝觀齊阜昌中改為迎祥觀昔司馬溫公奏
天下建置五嶽真君給賜金牌永鎮洞天福地華嶽

觀漢武帝修建後至宋祥 鹿園觀 原在竹谷嶺西宋
觀符中因四高士而復興 大觀中因道士仇

淵之請額修建 拱極觀 宋宣和中修 太平興國觀 原
于華山之下 建于嶽前社

開谷內經興中因道士焦 王母觀 原在大羅峰下古
虛清額修建于華山之下 有廟至唐貞觀中

修建于華 山宮觀 唐金仙公主所居之宮乘 休糧院
山之下 鶴之後勅修為仙宮觀

休糧院

宋太平興國中太宗召休糧道者赴闕賜錢一歲及
還山詩賜號巖靜太師有休糧詩三百章感傳于世
巨靈神祠 漢武帝 拜嶽壇 漢武帝拜祀之所至唐太
勝會院或 宣澤亭 宋真宗拜嶽壇在太華驛之側大
名昭慶寺 嶽之所仍賜名為宣澤亭有御
製碑龍首龍座存焉昔為禁地

物產

千葉白蓮

生玉井中食之令人羽化

菖蒲

生太上泉菖蒲池其葉細如劍春其根每寸九

節服之令人強健延年益壽

細莘

嶽頂西南隅方圓三四畝盡是細莘服之令人身體生香問及

百步古記所稱草似帛似布今人所稱西嶽布是也

紫栢

嶽頂東北峰上有紫栢栢葉深碧露以五月

五日油囊接之食者可作地仙

五粒松

嶽頂西南峰上有五粒松平如履蓋傍有青蘿長百尺下

如茯苓具如人形生琥珀夜即有光
肥蟻詳見肥

蒼朮

黃精

無憂樹

陳希夷先生
應傍之樹

靈異

古本云山之頂乃天真降臨之地神仙聚會之鄉降
現之事極多畧敘其一二曾先聞異香次觀瑞靄或
見千乘萬騎或見玉女金童了髻童子數百或羽服
道士踰千或見珎幢而金傘或見絳節而霓旌或見
騎龍騎虎人或見乘鳳乘鸞客或見金光滿地或見
火焰連天或見紫霧騰空或見祥雲覆頂或聞金鐘

鳴其降見不一或在最高峰上或於仙掌峰頭或集
三公山或聚西玄洞昔清虛真人裴公隱于頂之西
北峰上曾降五靈玄老中方大羅峰王母數現或衣
黃裳戴金冠乘寶輦駕五色班龍九頭上有羽蓋左
右金童玉女仙官將吏莫窮其數後於現處建祠真
觀中山下建王母觀華山之西有一山名曰羅敷山
大曆五年有天地水府三官降現又感代宗皇帝夢
勅修三官院至咸平中更為承天觀

玉女石馬神靈異常夜聞斯歎之聲頂上隱者常見

之

白羊峰每至三元八節及諸齋日即有神燈或三或五見于巖壁

嘉靖壬子少宰潼關盛公訥從同州馬文莊公讀書青柯坪時友人王別駕來賓授徒數人一日早脯後兩弟子以挺相戲忽踣其一地上往掖之死矣王昇入室內灌之湯液日將夕更不能活大懼妨試事馬文莊公偕盛公為之禱嶽神于寥陽洞衆還復入室時盛公獨立室外見山頂有月大文許或起或下扶

搖而來至道院中聲如乍雷光遂四散照耀窓壁皆
白室中競出問狀盛公方述所見斃者忽大呼群趨
視之乃曰衆且退有白衣道人持藥藥我因大開其
口如食藥狀復寂然無聲少頃能呻吟遂甦王猶驚
疑因詰以所嘗誦讀者歷歷能道乃知月光白帝神
也感異之靈如此

華嶽全集卷之三

欽命鎮守潼關兼攝河南山陝等處地方軍民事務兼攝巫山伯馬堽耀
欽命鎮守潼關等處地方提督軍務兼理學政防禦使劉蘇

華陰縣縣令曹士倫編輯

華陰縣學正王名丑較正

封號攷

唐封金天王懿號冊

華山之神既能興雲致雨而西方為最貴矣軒轅皇
帝遊焉以會神靈虞舜望焉以覲群后爰因夏氏以
迄隋室朝更五姓載歷三千祀典相因舊章未改壇

塲廟宇何代不脩一禱三祀無歲而缺所以報主植
事靈神未嘗有怠其神社休明災咎淫慝亦未嘗真
神祠在黃神谷口漢興光初遷於官道北建立宮庭
祀事牲器視三公之禮

宋真宗加號西嶽神為順聖金天王尋加上西嶽曰
金天順聖帝

皇明洪武三年釐正名號詔

詔曰自有元失馭群雄鼎沸土宇分裂聲教不同朕
奮起布衣以安民為念訓將練兵平定華夷大統以

正永惟為治之道必本於禮考諸祀典知五嶽五鎮
四瀆四海之封起自唐世崇名美號歷代有加在朕
思之則有不然夫嶽鎮海瀆皆高山廣水自天地開
闢以至於今英靈之氣萃而為神必皆受命於上帝
幽微莫測豈國家封號之所可加瀆禮不經莫此為
甚至如忠臣烈士雖可加以封號亦惟當時為宜夫
禮所以明神人正名分不可以僭差今命依古定制
凡嶽鎮海瀆並去其前代所封名號止以山水本名
稱其神郡縣城隍神號一體改正歷代忠臣烈士亦

依當時初封以為實號後世溢美之稱皆與革去其
孔子善明先王之要道為天下師以濟後世非有功
於一方一時者可比所有封爵宜仍其舊庶幾神人
之際名正言順於理為當用稱朕以禮祀神之意所
有定到各神名號開列于後

一五嶽稱東嶽泰山之神南嶽衡山之神中嶽嵩山
之神西嶽華山之神北嶽恒山之神

祭告文

洪武三年祭文

維洪武三年歲次庚戌

皇帝遣尚書吏部員外郎李矩致祭于

西嶽華山之神曰磅礴中國之西泰穹靈秀生同天
地形勢巍然古昔帝王登之察地利以安生民故祀
之曰華山於敬則誠於禮則宜自唐始加神之封號
歷代相因至今曩者元君失馭海內鼎沸生民塗炭
予起布衣承上天后土之命百神陰祐削平暴亂正
位稱尊職當奉天地享鬼神以依時統一人民法當
式古今寰宇既清特修祀儀因神有歷代之封號予

起寒微詳之再三畏不敢效蓋神與宇壤同始靈鑒
西方其來不知歲月幾何神之所以靈人莫能測其
職必受命於上天后土為人君者何敢預焉予懼不
敢加號特以西岳華山名其名依時祀神惟神鑒之
尚享

洪武十年祭文

維洪武十年歲次丁巳八日丁未朔初二日戊申

皇帝謹遣宋國公馮勝道士何公溥致祭于

西嶽華山之神曰荷上天后土之眷命蒙神之效靈

以平群惟息禍亂君主黜黎於華夏統控蠻夷於今
十年中國康寧然於神之祀若以上占之君言之則
君為民而禱載有春祈秋報之禮於斯之祀有望於
神而祭者有狩於所在而燎瘞者今予自建國以來
十年於茲國為新定民為初安是不得親臨所在而
祀神也特遣開國功臣馮勝等以如予行奉犧牲祝
帛於祠下以報效靈自今以後歲以仲秋詣祠下致
祭惟神鑒知尚享

洪武二十五年祭文

維洪武二十五年歲次壬申四月壬子朔初四日乙卯

皇帝遣禮部主事廖亮等致祭於

西嶽華山之神曰通者分封諸子於神方所肅王橫慶王橐身雖年幼今率兵演武先至本國特遣官以牲醴致告尚享

洪武三十五年祭文

維洪武三十五年歲次壬午七月壬午朔越十五日

丙申

皇帝遣道士曾惟新致祭於

西嶽華山之神曰惟神職司西方掌天地收藏之氣
雨暘時若災沴不興神功有焉載在祀典歷代咸遵
惟我

太祖高皇帝以神武定天下崇奉禮祭洋洋威格三
十餘載黎庶雍熙建文昏愚奸臣竊柄神明弗佑四
海離心朕奉

祖訓來清群惡荷天地山川之靈戰無不捷堂堂之
陣直抵京師豈期建文閹官自燼朕以諸王大臣再

三推戴於六月十七日躬即帝位嗣守

高皇帝大業既已昭告於天地社稷必當徧告於名山大川茲特遣官祭以牲醴惟神有知體朕至意尚祈靈佑助我

皇明尚享

永樂四年祭文

維永樂四年歲次丙戌七月戊子朔初七日甲午
皇帝遣道士鄧全禮致祭于

西嶽華山之神曰昔者奸臣構禍屠害諸王以及於

予子不得已以兵自救頗嶽鎮海濱效靈獲定內艱
遂安宗社爰自即位以來休養黎庶普天率土均
視同仁今安南賊人黎季犛及子黎蒼驕盈兇悖屢
犯邊疆首侵思明府祿州等處地方予為寬容不肯
興師問罪但遣使取索黎賊巧詞支吾所還之地多
非其舊還地之後復據西平州逼脅命吏又侵寧遠
州地方占管人民殺虜男女邊境之人數年之內罹
其荼毒豈可勝言况安南之人受其禍害不遺一家
占城之地被其劫掠已踰數歲遣人告諭冀其改過

罔有悛心益驕益盛予為天下之主恭承 天命安
心坐視民患而不之救今特命將出師聲罪致討實
出予之所不得已心在救民豈敢用兵尚念兵士遠
行離其父母妻子山川險阻嵐瘴鬱蒸跋涉勞勤易
於致疾予惟於此深用不寧萬冀神靈監予誠悃聞
于

上帝賜以鴻庥潛消瘴癘大振兵威早滅渠魁永安
遐壤今七月十一日兵行特遣人致香幣牲醴先詣
神所謹告尚事

永樂五年祭文

維永樂五年歲次丁亥五月甲寅朔十五日戊辰
皇帝遣監生劉純致祭于

西嶽華山之神曰比者安南逆賊黎季犛及子黎蒼
逞兇肆暴屢攘邊疆侵奪思嗣府祿州等處地方予
加寬貸不肯與師問罪但遣使諭以還地黎賊巧辭
支吾所還地方多非其舊還地之後復據西平州又
侵寧遠州逼脅命吏占管人民劫掠資財殺虜男女
邊境之民受其殘酷安南之民並被其害誅求百端

老幼不寧占城之地累年遭其劫掠予數遣人告諭
冀其改過而賊稔惡日甚罔有悛心予為天下主視
民塗炭安忍弗救乃命將出師聲罪致討志在弔民
豈敢用兵實出于不得已賴

皇天后土岳鎮海瀆效靈將士奮志賈勇悉掃蕩其
孽黨撫安其善良尚念將士暴露于外離其父母妻
子山川險阻道路迢遙今天氣炎熱恐嵐瘴鬱蒸起
居失調易於感疾予夙夜念此寢食弗寧萬冀神靈
鑒予誠悃聞于上帝賜以洪庥潛消瘴癘早降清

涼將士安寧百狀不作特遣人致香帛牲醴詣神所
祭告尚享

永樂九年

維永樂九年

皇帝遣戶部侍郎王彰致祭于

西嶽華山之神及陝西境內山川城隍之神曰今陝
西三司秦境內軍民多患疫癘死亡者衆未底寧息
朕君臨天下凡物失所皆朕之憂故拳拳夙夜寢食
弗安惟神職司陰陽助國為民禦災捍患萬冀神靈

鑒予誠悃聞于上帝賜以洪休使疫癘潛消咸臻康泰無夭闕之虞有和平之樂特遣人致香幣牲醴詣神所祭告尚享

洪熙元年祭文

維洪熙元年

皇帝遣鴻臚寺少卿趙泉致祭于

西嶽華山之神曰巖巖華嶽永鎮西方時出雲雨用育萬物嗣位云初聿嚴告祀翼我皇祚尚賴神庥尚享

宣德元年祭文

維宣德元年歲次丙午二月乙丑朔十一日乙亥
皇帝遣應城伯孫傑致祭于

西岳華山之神曰惟神永奠西土阜成民物叅贊之
功國有賴焉予嗣位之初特用祭告神其昭鑒惠我
邦家尚享

正統元年祭文

維正統元年歲次丙辰正月丁卯朔十五日辛巳
皇帝遣安遠侯柳溥致祭于

西嶽華山之神曰越茲西土華岳惟崇民物莫安厥
功允茂予嗣承大統謹用祭告惟神歆格永佑家邦
尚享

正統二年祭文

維正統二年

皇帝謹遣華陰縣知縣王貫祭告于

西嶽華山之神曰朕祗御下民永懷保恤百穀長育
茲惟厥時顙冀明靈特隆敷佑無灾無沴時雨時暘
作歲豐穰以穀黎庶尚享

正統六年祭文

維正統六年歲次辛酉正月己亥朔十七日乙卯
皇帝謹遣禮部右侍郎王士嘉祭告于

西岳華山之神曰予以菲德嗣臨下民所冀利安倦
倦夙夜比自去冬邊境地道弗寧屢至震動傷及民
物深可矜憐致災有由循省兢惕惟神莫位西土發
育群生尚鑒予誠惠保安靜調均二氣用弘化功國
家民庶永有賴焉謹告尚享

正統九年祭文

維正統九年歲次甲子四月庚辰朔二十四日癸卯
皇帝謹遣翰林院編修呂原祭告于

西嶽華山之神曰予奉天有民愧涼于德致茲久旱
灾及群生夙夜省躬中心惓切神司方岳憂憫諒同
雨農以時宜任其責特茲致禱尚冀感通弘布甘霖
用臻豐稔匪予之惠時乃神庥尚享

正統十年祭文

維正統十年歲次乙丑六月癸卯朔十五日丁巳
皇帝遣通政使司右叅議馮鼎祭告于

西嶽華山之神曰國家崇重方岳歲嚴秩祀所期默
運神化庇祐民生邇者陝西西安等府縣沴氣為災
時疫大作死者相枕病者未已聞之惻然深咎於衷
惟神表奠茲土民所恃賴覩此災沴能不究心茲特
遣官齋香幣以告于神尚冀體上帝好生之心鑒
朕憫元元之意弘闡威靈禦災捍患民物獲安全之
福神亦享無窮之祀尚享

正統十一年遣通政使司右通政王錫祭文同

前

景泰元年祭文

維景泰元年歲次庚午閏正月丙午朔十五日庚申
皇帝遣工科給事中霍榮致祭于

西嶽華山之神曰越茲西土華嶽惟崇民物奠安厥
功允茂予嗣承大統謹用烝告惟神歆格永祐家
邦尚享

景泰五年祭文

維景泰五年

皇帝謹遣左春坊兼翰林侍講楊鼎致祭于

西岳華山之神曰茲者農務方殷所憂旱澇豐歉所
係尤切朕心神主茲方計不異此雨暘時若其職在
神尚運神機俾從民欲民苟遂豐登之願神益彰庇
利之仁專俟感孚以慰虔禱謹告尚享

天順元年祭文

維天順元年

皇帝遣禮科給事中張璿致祭于

西嶽華山之神曰大華惟岳表茲西土奠安民物厥
功茂焉茲予復正大統謹用祭告惟神歆格永祐家

率編年集
卷之三
十三
邦尚享

天順五年遣大理寺寺丞丘晟祭文與正統十
年祭文同

成化元年祭文

維成化元年歲次乙酉三月戊申朔二十日丁卯
皇帝遣吏科給事中李和致祭于

西嶽華山之神曰毓秀鍾靈永鎮西土莫安民物萬
世允賴茲予嗣承大統謹用祭告神其歆鑒佑我爾
家尚享

成化四年祭文

維成化四年歲次戊子五月庚申朔十八日丁丑
皇帝遣巡撫陝西都察院右副都御史陳价祭告于
西岳華山之神曰比歲以來多方災沴雨暘不時我
民用瘁民之瘁矣予曷為懷神矜于民忍降以災德
澤崇深孰與神侔所贊化機溥天之休責躬脩行予
敢弗篤庶幾與神同作民福謹告

成化九年祭文

維成化九年歲次癸巳四月辛酉朔初四日甲子

皇帝遣禮科給事中霍貴致祭于

西嶽華山之神曰近者陝西地方累被達賊侵擾或劫掠財物或殺擄人口其為慘酷有不忍言朝廷不得已命將出師為民除害柰征戍日久轉輸浩繁饑饉荐致死亡相枕與言及此良用惻然惟神受職於天典司此土民困極矣心其安乎是用特遣廷臣敬執香幣遠叩祠下竭誠祈禱伏望神靈感通幹旋造化俾歲時豐稔賊寇殄除疫癘潛消軍民安妥庶副上帝好生之德慰朕心憂憫之誠惟神鑒之謹

告

成化十三年祭文

維成化十三年歲次丁酉六月丙申朔初十日乙巳
皇帝遣巡撫陝西都察院右都御史余子俊祭告于
西嶽華山之神曰國家奉敬神明聿嚴祠祀所期默
運化機庇佑良庶乃近歲以來或天時不順地道欠
亨或雷電失常兩暘爽候或妖孽間作疫癘交行遠
近人民頻遭饑饉流離困苦痛何可言惕然於衷罔
知做措惟神奠鎮一方民所恃賴覩茲災沴能不究

心是用特具香幣遣官祭告尚冀體上帝好生之德鑒予憂憫元元之意幹旋造化弘闡威靈捍患禦災變禍為福庶幾民生獲遂享報無窮惟神鑒之謹告

成化二十年祭文

維成化二十年歲次甲辰

皇帝遣巡撫陝西都御史鄭時致祭于

西岳華山之神曰朕在位餘二十載禮神恤民夙夜在念何去秋至冬雨雪全無方今春首地震京師年

麥無收成之望士民懷艱窘之憂朕心惻然懼切曷
已惟神莫彼金方鍾靈允位乂享民祀寧不究心特
茲遣人敬齋香幣用告于神尚冀弘闡明靈參贊造
化默奪潛消俾雨暘時若物阜民康宗社奠安而神
亦血食永永矣尚享

成化二十年祭文

維成化二十年歲次甲辰十月乙卯朔初十日甲子
皇帝謹遣吏部左侍郎耿裕祭告于

西嶽華山之神曰朕奉 天命子育萬民所冀歲稔

時和災患不作惟神是賴茲者陝西大旱地道震驚
人民饑荒流離死亡者衆守臣以告朕心惻然憐神
廟食此土作鎮一方見此困窮寧不矜憫用是特遣
廷臣遠詣祠下潔齋備儀為民請命伏望神明大彰
靈應潛幹化機時暘雨雪用消凶沴變歉歲為豐年
躋貧糶于壽域庶稱朕奉天子民之意中心懇切惟
神鑒知謹告

成化二十三年祭文

維成化二十三年

皇帝遣詹事府少詹事劉健致祭于

西嶽華山之神曰今歲自春及夏天時亢旱雨澤不降田苗枯槁黎民憂惶予甚兢惕側身循省虔致禱祈惟神矜民寧不旋幹大霈甘澤以滋禾稼以濟民艱庶民有豐稔之休則神亦享無窮之報謹告

弘治元年遣成山伯王鏞祭文與成化元年祭文同

弘治六年祭文

維弘治六年歲次癸丑五月甲子朔

皇帝謹遣巡撫陝西都察院右副都御史王宗彛致
祭于

西嶽華山之神曰伏自去冬無雪今春少雨田苗未
能播種民庶實切憂惶予甚兢惕用是側身循省虔
致禱祈惟神矜憫下民幹旋大造早霑甘澤以滋禾
稼以濟民艱庶民有豐稔之休則神亦享無窮之報
謹告

弘治十年祭文

維弘治十年歲次丁巳四月壬辰朔越二十五日丙

申

皇帝遣巡撫陝西都察院右副都御史許進致祭於西嶽華山之神曰今歲自春及夏天時亢旱雨澤不降田苗枯槁庶憂惶予甚兢惕側身循省屢致禱祈惟神矜民寧不旋幹大霈甘澤以滋禾稼以濟民艱庶民有豐稔之休則神亦享無窮之報謹告

弘治十四年祭文

維弘治十四年歲次辛酉四月戊寅朔十七日甲午皇帝遣巡撫陝西等處地方都察院右副都御史周

季麟致祭於

西嶽華山之神曰去年七月以來陝西地方肅州莊浪等處天鼓鳴響地震有聲已非一次今年正月元日至十七日西安延綏慶陽地震不已而朝邑一縣被災尤甚地裂泉湧水流成渠搖倒房屋壓死人畜以千百計顧茲變異必有其由奏報來聞惕然惶惧風夜循省寢食靡寧惟神莫此一方民所仰賴特致香帛用告虔誠尚祈翊輔

皇祇潛消災沴俯慰民望永祚邦家不勝懇禱之至

謹告

正德元年遣大理寺左少卿張鸞祭文與成化
元年祭文同

嘉靖十七年祭文

維嘉靖十七年歲次戊戌七月壬申朔初八日己卯
皇帝遣華陰縣知縣唐寅祭謝於

西嶽華山之神曰比歲嘗命官禱祀於神昨丙申孟
冬之吉仰荷

天賜元儲亦神所贊佑者茲用致謝神其鑒歆而永

惟默佑焉尚享

嘉靖四十年祭文

維嘉靖四十年歲次辛酉八月戊午朔初十日丁卯
皇帝遣巡撫陝西等處地方都察院右僉都御史裴
紳祭於

西嶽華山之神曰惟予嗣續不圖仰承帝眷恢張治
化又寧邦家匪資神力匡扶曷克導迎景貺茲今八
月初十日寔為初度之辰命官齋捧香帛前詣祭告
惟神鎮奠一方耀靈炳績奠永贊

天賜佑輯福眇躬集慶凝祥以延萬載之庥謹告

嘉靖四十三年祭文

維嘉靖四十三年

皇帝遣巡撫陝西都御史陳其學致祭曰予上承

天保六甲開昌下撫坤圖百神受職茲八月初十日

乃予初度之辰爰命觀士齋捧香帛前詣祭告惟

神凌霄莫域祚衛邦家所冀袞祥歛福永固壽基以

崇大慶於一人以普隆休於萬宇謹告

隆慶元年祭文

維隆慶元年歲次丁卯十月壬午朔十五日丙申

皇帝遣寧晉伯劉斌致祭曰惟神受命

昊帝永表西方布氣宣和民物允賴茲予嗣續丕圖
謹用祭告神其歆鑒以保定我億萬年隆慶之某
尚享

隆慶二年祭文

維隆慶二年

皇帝遣巡撫陝西都御史張祉致祭曰通者陝西地
方災異叠見殃及黎元朕方宵咎責躬亟圖消弭尚

祈神佑轉災為祥竭虔祭告惟神莫寧坤軸永福邦家謹告

萬曆十五年祭文

維萬曆十五年

皇帝遣巡撫陝西都御史王琰致祭于

西嶽華山之神曰比者雨暘不時災沴疊見為民

請命責在朕躬特茲遣官虔申祈禱惟神默鑒率

職效靈拯民艱食之災賜國有年之慶謹告

秦王祭文

維弘治七年歲次甲寅三月庚寅朔初二日壬辰嗣
秦王誠泳敢昭告於

西嶽華山之神曰天地間五嶽並峙為五方之宗巖
巖華嶽實奠西土禮諸侯祭境內山川予小子欽承
帝命嗣守秦藩華嶽之祀予實主之歲時玉帛將
事望秩有容眎嚮潛孚灑靈如在乃今奉詔賜沐又
得便道展拜廟於靈嶽之下尺寸之誠其敢隱於神
哉予聞古之修祀事者有報有祈惟神作鎮能與雲
霄召風雨幹運陰陽為一方民物祛除旱澇疾苦天

闕不齊之患使宵旰無西顧之憂而予宗臣亦享
大平之福者秋毫皆神賜也敢不一報獨念予德無
似不能奉荅休祉又不善攝養嬰於足疾藥連歲弗
奏功且以踰壯及疆之年而嗣胤未建篋篋之托疚
然在懷嘗稽古傳記以英賢之產歸之嶽降夫金主
生生為無窮允澤物物沾其利予固無以媚於
神然自神而言則為祭主自廷命而言則均為國主
博濟之惠矣獨後予馨香如聞顧神默相使予氣血
循軌精神內固勿藥有喜夢熊協吉此予夙夜而不

能忘者也敢不以祈夫以民物所賴報神之賜而以予所願祈神之休是雖各舉其重者言之而實未始不相關也神其鑒之

祈雨祭文

維弘治七年歲次甲寅七月丁亥朔十一日丁酉

欽差巡撫陝西都察院左副都御史王宗昇敢昭告於

西嶽華山之神今歲陝西地方三春缺雨麥豆率多被災五月初旬幸得雨澤霑足民之布種秋田充物

原隰柰何自五月迄今七月中旬一向雨澤愆期苗
之穢穢者變而漸至枯槁禾之芄芄者改而胥為萎
黃民憂艱食官憂賑給惟宗彞受託是方神乃血食
茲土雨澤不降民罹凶荒固宗彞不職所致神於吾
民亦寧忍不陰祐哉仰啓神休熙相玄造大施甘雨
普救民厄庶神於民大顯其靈民於神深霑其惠謹
告

地震祭文二首

維弘治十四年歲次辛酉正月庚戌朔越 日陝西

等處承宣布政使司分守關內道右叅政章玄應謹
率華陰縣縣丞等官張鑑等敢昭告於

西嶽華山之神曰弘治辛酉月正元日二日環關輔
屬境郡邑同時地震者三有聲如雷動搖官民屋廬
朝邑一縣震動尤甚城垣樓堞公廨民居傾摧畧半
被壓死傷甚夥二日四日以至旬日仍震不已陵谷
拆裂水泉湧出人民驚惶四散逃避露坐野宿無所
依栖扶老携幼啼聲在路訛言沸騰群心惑亂城市
鄉村為之一空切惟天道人事相為感通災異之來

必有所自蓋由玄應等守土文武官僚平昔立心不
端操持不謹職業不脩軍民不恤財力不省公道不
行刑法不中良善困窮無所控訴豪猾得志罔知懲
戒民窮財盡而征歛不休假公營私而科罰不止嗟
怨聲聞感傷和氣以致天道不順地道不寧當三陽
開泰之時一歲春元之日而撼動如此一震不已而
至於連震連震不已而至於泉湧變不虛生誠為驚
懼雖各洗濯瑕疢痛自警省慰安人心撫恤災患然
而誠微德薄未遂潛孚俯仰無措寢食不遑仰惟神

明峻極為靈廟食西土實上帝之所付托下民之
所仰望豈可坐視土宇搖撼室家摧壞人民顛沛而
不加之意哉如或人事乖違民心愁怨和氣感傷凡
有殃咎宜加於玄應等守土官僚元元何辜橫罹患
害所冀以皇天后土為心以宗社生民為念掌握
機衡幹旋造化反禍為福轉災為祥莫撮土於杓杓
之餘拯遺黎於傾覆之際務俾隕然而方者靜位乎
下群然而生者安履乎中息訛言定衆志紓宵旰
西顧之憂解溝瀆倒懸之急斯神之貺也亦神之職

也夫宮居而粒食者既獲所安則廟焉而血食者宜有所享神人相依萬世永賴者也嗚呼明有禮樂幽有鬼神陰陽表裏不可誣也惟神其鑒之謹告

維弘治十四年歲次辛酉二月庚辰朔越十七日丙申

欽差鎮守陝西等處地方御用監太監劉雲等致祭於

西嶽華山之神曰今年正月朔日以來陝西布政司所屬州縣同時地震者三有聲如雷動搖官民廬舍

同州朝邑震動尤甚崖摧地裂水湧沙溢壞城垣官
府民居殆半覆壓死者百六十餘人傷者九十餘人
頭畜死傷亦數百晝夜連震逾月不止人心驚駭四
散逃避夫坤厚載物法當安靜今撼動若此至於殺
害人畜可謂異常豈陰陽之氣升降通塞而致然歟
無乃運數流行動靜有時而不可逃歟抑或人事乖
違群情鬱鬱有以感召之歟俯仰思惟端倪莫測雲
等欽承 上命鎮巡茲土遇此災變驚懼不遑雖已
移文所司痛加修省興利革弊與民休息冥冥之中

祭之表預災於既往消患於未形非神是禱將何
所賴焉乃合輿議行爰分守宮率僚屬奔走廟庭躬
執祀事以祈於 神伏望陰翊 洪造默祐群生以
孽為祥以禍為福務俾天道以清地道以寧人道以
和雲等與百姓荷神之依永永無斃而神之享祀亦
永永無窮矣嗚呼惟神庇人非人何依惟人事神非
神何仰其幽明相與其吉凶相孚也陳辭致誠神其
昭鑒尚享

災異祭文

維弘治十五年歲次壬戌四月壬寅朔越八日己酉
欽差巡撫陝西等處地方都察院右副都御史周季
麟等躬致辦香謹祭告於

西嶽華山之神於戲幽有鬼神明有祭法永奠中土
祈鴻休也雨暘時若報神賜也惟神之靈著自古
昔辦方定位鎮兌隅之鴻庀捍患禦災主金天之沆
碣歲時祭而五氣來備雷雨解而百谷用成血食一
方抗衡四嶽季麟等有事華陰再拜祠下陳辭跽奠
尚有頽焉噫嘻九山刊旅而禹甸寧八公效靈而秦

兵却今地震游見於朝邑零賊尚伏於榆關患踵西
維憂屢北極神其脩職毋作神羞潛貺救功益彰
庇利尚享

祈雨告文

維弘治十八年歲次乙丑七月甲申朔越十有三日
丙申西安府知府馬炳然敢昭告於

西嶽華山之神曰惟神自有天地以迄於今生材
木寶貨產賢人君子藏竒夫隱士其有益於斯世非
一且矣是以與泰恒嵩衡稱五嶽於天下而獨與泰

嶽東西並峙天下言山之靈者必先焉每遇旱乾水
溢有國家者必遣使致禱神必應其所求亦非一
日矣然神為雍州之望凡以給神掃除祭奠朝
夕使令之役者皆斯雍之人也神之施愛宜莫先
於雍去年三冬少雪民猶冀有春之雨也及春雨不
時至麥則半枯民猶冀雨於五六月之間而秋可成
也六月初旬禱雨於風雲雷雨及城隍諸神連日得
雨穀種遂播及至今乃復不雨雲將合而風已至氣
將蒸而日愈烈再禱於諸神諸神若罔聽聞樹

木亦樵何有於方萌之苗民憂轉徒厥口嗷嗷是盖
炳然怠政不職不能聚民之所欲而去民之所惡得
罪於 諸神 諸神降之罰然民之愚謂禱而不雨
諸神弗靈退有慢言且謂炳然不以此情急達於
神使 神不聞也怨及炳然甚惧謹用走告於
神之惠於天下大矣而况雍民一雨之賜乎雍民
之疾痛疴癢皆有望於 神而况旱而民將飢以死
乎惟 神聰聽之早降甘雨拯斯民於垂死之餘則
神之靈將配天地於無窮炳然亦有辭於愚民矣

謹告

祈雪祭文

維弘治十八年歲次乙丑冬十月壬子朔初四日乙卯

欽差巡撫陝西等處地方兼督理馬政都察院左副都御史楊一清欽承

上命致祭於

西嶽華山之神曰頃者關中告旱

詔修祀事以禱

於神清承乏撫臣職當將事屬在西徼奔走愆期

聖誠所動遽獲感通秋雨優渥來牟宿種此神
之惠敢不以報然必冬雪應候則蝗蝻遁跡春雨時
至則苗稼敷榮嗣是以徃民有衣食秋毫皆神力
是賴敢不以祈念茲關陝之民外供三邊止自胡有
驚塵歲無全稔哀哀顛連日甚一日不意今手麥夏
穀秋兩無收穫自關以西流離載道匪直天時欠順
而地道亦復不寧誰其召之靜言增惕維今

皇上嗣大歷服之初恩澤覃布庶政肅清意者小大
僚吏慢神虐民奸法奸紀之所致與審如是神聰

明正直莫之能違當徑罰厥躬不當濫及百姓謹用
率屬致齋瀝誠以告維 神受命於 天永奠西土
民之休戚 神實聞之尚克靈承 帝休幹旋化機
轉禍為福豈徒斯人之幸亦 神之光謹告

祈雨祭文

欽差巡撫陝西等處地方都察院右副都御史張泰
遣咸寧縣訓導段世威謹以牲帛醴齊粢盛庶品祭
告於

西嶽華山之神惟 神自開闢以來位鎮西土贊幹

元氣庇茲民物故凡古今人在茲者有事輒禱於
神禱罔弗應累朝重神之靈寵渥臻集顧茲西土
生齒甚稠食地甚狹加以三邊供億之苦雖屢豐穰
尚亦艱食所賴者雨暘時若耳去歲不雨百穀無秋
民死而散者幾矣幸雨於今春錫以有麥乃今自夏
抵秋仍復雨儉人心驚懼惴惴焉恐如去歲之饑為
民土者寧無惕然緣此災旱迭至必有所自非生民
之稔惡則居官之不職非天運之使然必神明之
示譴然天德好生其怒可回神莫茲土幸與吾

人圖之各職忝寄斯民理宜曲為之所側身修行省
刑宣滯百凡可以自力以弭災者相率為之矣惟人
力所不能者不能不有仗於神故謹遣官走告
神其矜而聽之乎竊惟天之所以張神於西土
者欲其保障於此也朝廷之所以褒崇夫神者
因其保障於此也西土之民遭此荼毒神之心烏
能忽然乎且天之大德曰生而神之所主者利
惟神贊天之德密運真機力加宣布及此時而
雨之雨必三日庶其霑足則穀尤可活民命可甦

神之功懋矣否則我等固不能辭其責而神之所以為神者未可知也况如神之在天下者五如泰如衡一以代天宣化各庇一方彼則兩且豐西土乃今若此神將以為何如尚其諒之謹告

地震祭文

維嘉靖三十五年歲次丙辰 月 朔越
侍郎鄒守益敢昭告于

西嶽華山之神曰惟神氣結少陰德涵大素鎮金方之正位踞鷓首之名區峩峩造天捧星漢而臨兌

磅礴絡地藏雷雨以澤生秀拔三峰功鈞八柱壁立
胎凝於元象允類削成幽贊跡耀於巨靈聿開奇麗
信呼吸之通帝座宛金碧之炫朝陽少昊下部布分
地德神明奧宅夔絕人寰守益等幸夙世之有緣望
靈峰而起敬奠氤氳之可藉屢將 帝命以祈禳幸
臨監之不違仰錫神休於俄頃功惟不讓於四嶽澤
豈有靳於群生伏願消沴導和敬申六祝之懇宣靈
佑德佇聆萬歲之呼尚享

告災祭文

維隆慶二年歲次戊辰八月戊寅朔越二十日丁酉
欽差巡撫陝西等處地方贊理軍務都察院右僉都
御史張祉欽承 上命遣祭

西嶽華山之神禮成茲復具牲帛之儀敢申告於

神曰惟神尊居西服化贊乾坤此方利澤咸仰靈芬
惟今地震特甚於秦近省死傷幾五千人禮宜備祀
言官以 聞 上用驚惻遣致明禋社賸蓄念敢附
以申 上天視聽皆自我民 上初銜宇誠敬寬仁
惟宜石祥感戾無因緣祉棄才復玷冠紳政無興革

念徒紛紜孤民之望為 天之嗔地震未寢亢旱相
仍罪在於臣遣憂於 君罪在於人致瀆於 神奉
命將事感懼交殷惟 天降鑒惟 神區分凡有
割罰宜社之身轉災為祥以慰 君民謹告

祈佑祭文

維隆慶六年歲次壬申九月甲申朔越十有二日乙
未

欽差巡撫陝西地方兵部右侍郎兼都察院右僉都
御史曹金敢昭告於

西嶽華山之神曰峻極之體鎮靜為宜撫臣之職
司保釐惟幽明之交助庶永莫乎烝黎藐予奉

命鎮撫西秦重關杓入仰止嶙峋駐旆官牆爰陳俎
豆醪酒申詞希神默祐時出雲雨利此金方屋居
穴處咸用平康封疆固守予亦不敢怠荒尚饗